



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt XLIV. Sanctæ Harlindis Collegium Moseicanum, siue Maseykense, in
Maseyka opido dioecesis Leodiensis, ad Mosam Fluuium.

urn:nbn:de:hbz:466:1-11227

MIDDELBURGENSE COLLEGIVM
in d. Brugensi.

Habet Middelburgum opidum, (quod anno 1488. muris per Brugeses, est exutum) insigne collegiū Canonicorum, cuius auctor fuit, *Petrus Bladelinus* Eques Middelburgi Dynasta, qui Philippo bono Burgundiæ duci, Flandriæque Comiti, & eius filio Carolo Audaci OEconomus, Consiliarius, & ordinis aurei velleris Thesaurarius fuit. Iacet is ibidem sepultus, ante aram maximam.

CAPVT XLIV.

SANCTAE HARLINDIS COLLE-
gium Moseitanum, siue Maseykense, in Maseyka
opido diœcesis Leodiensis, ad Mosam
Fluuium.

S Harlindis Virgo, & soror eius Reilindis parentes habuerunt Adelardum & Grimeram; qui in propria Hæreditate ad Mosam, *Eike* monasterium construxerunt, vbi vtraque plurimas filias Christo genuit. Erant enim fide recta instructæ, charitate repletæ, humilitate decoræ, religione laudabiles largitate eleemosynarum hilares. Quorum etiam curam habuerunt Sancti Episcopi, *Vilibrordus* & *Bonifacius*. Otium porro vt

mortiferam pestem fugientes aliquando paliola contexebant, aliquando diuinas Scripturas, honorifico opere conscribebant. Ex quibus nonnulla perinde, ac si recentia essent, hactenus conseruantur. Cumq; putresceret prima monasterij Ecclesia, quæ lignea fuit, Aua Abbatisa lapideam construxit, in qua Franco Episcopus vtramque virginem honorificè leuauit die 22. Martij anno 906. & eodem die, anno 1571, facta est per Suffraganeum Leodiensem altera solennis translatio. Tunc enim Collegium Canonorum Likensium, qui sanctimonialibus successerunt, migravit in opidum quod *Mæseike* nuncupant. locus est in Comitatu Loffensi, sub Episcopatu Leodiensi.

CAPVT XLV.

S. VINCENTII COLLEGIVM SONEGIENSE inter Hallas & montes Hannonia.

S Vincentius fuit Hannoniæ Comes, antea Madalgarius dictus, inter Palatinos Regis Francorum Dagoberti non infimus. Habuit enim vxorem consanguineam Regis, Beatissimam *Baldetrudem*; ipsumque Rex habuit annis aliquot Hiberniæ Governatorem. Vnde postea in Gallias rediens, Sanctissimos & stre-